



T3210/8546.81

16





CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 7 1940

錢塘縣志卷之十五

錢塘縣知縣南樂魏嶮纂

哈佛大學漢和  
圖書館珍藏印



丘墓

丘墓何志矣哉其人與骨朽矣而聞風興起可以百  
世出郭門直視但見丘與墳其人爲何如也夫子題  
延陵史公記許由而此後掛劍酬酒不一其人此榛  
莽之所不能蕪而狐兔之所不敢穴也宋都茲土六  
陵皆在會稽杜宇冬青之恨可無掩卷惟是后嬪諸  
王在在攢殞憑弔之下興亡慨然前賢之墓如林和

靖岳武穆于忠肅表表者不數人其他功業文章節義之可風者俱得附焉嗚呼諛墓有文豐碑有力濫登者亦或不少既書於冊其可毀諸志丘墓

宋

郭皇后 夏皇后 李皇后 韓皇后攢宮 並在錢湖門外三里

之修吉寺每歲春秋太常卿朝獻官吏職掌兵士守衛皆如會稽攢陵儀

貴妃陳氏貴妃李氏攢所 並在慈聖院

貴妃慕容氏攢所 在資德院

貴妃黃氏攢所 在西蓮瑞相院

貴妃賈氏攢所 在崇思福院

貴妃閻氏攢所 在顯慈集慶寺

貴妃茅氏攢所 在茅寺

貴妃劉氏攢所 在劉寺

皇妃塔 在南屏舊志曰宗理宗建失其姓然考錢俶皇妃塔記則不始於理宗時也且曰尊禮佛髻螺髮猶佛生存則又非吳越妃及前朝嬪御也古跡已兩存其說今附辯於此以俟知者

黃妃墓 在下天竺或曰錢王妃

皇姑成國公主攢所 在惠因寺

皇女周漢公主攢所 在演福寺

皇女潤國公主攢所

在開元寺

皇女德國公主攢所

在孤山六一泉

按宋后攢宮在兩山者雖不獲祔會稽諸陵當時奉祠守衛皆如陵寢而舊志缺焉今為增入特冠丘墓而并錄太子諸王於後

景獻太子墓

在法因寺

莊文太子墓

在寶林院

儀王墓

在西湖顯明寺王諱冲湜生時有紫光照室靖康間六軍欲推王立之王伏劍却之曰自有真主何洵洵為眾猶未退王欲伏劍死眾與王約以逾月而真主不出則王當即大位王陽許之未幾高宗即位於建康王間關而南上屢嘉歎之子孫視諸邸為蕃衍人以為為善之報云

濟王墓

在馳巘嶺下王諱竝寧宗長子也史彌遠與王有隙日媒孽於寧宗乃屬意太祖十世孫昀寧宗崩彌遠比周楊后矯詔立昀是為理宗王出居湖州太湖賊潘壬潘丙劫王謀立之王不從率州兵擊賊彌遠矯詔殺王人多冤之景定五年詔復王爵修增其墓

梁廣王墓

在中子峯

邳王墓

在瑪瑙山

兗州二王墓

在楊梅塢

周

吳公子慶忌墓

亦名慶忌塔在昭慶寺北古老相傳吳國王子慶忌所瘞西湖志曰要離刺慶忌慶忌死葬於此按吳越春秋吳王闔閭殺僚憂慶忌在鄰國子胥進細人要離使刺之要離者無力人

也迎風僵負風伏詐得罪於吳如衛求見慶忌慶忌信其說練士卒遂之吳將渡江於中流要離力微坐於上風因風勢以矛鈎其冠順風而刺慶忌慶忌顧而揮之三掉其頭於水中乃加於膝上戒左右無殺之慶忌卒死慶忌之葬於此山無考陸廣微吳地記吳公子慶忌墳在吳縣東北三十五里今呼慶墳安得復葬西湖濱哉康熙三年塔壞忽傾小塔數千枚皆番字環繞謂元時西僧作擦擦者以泥作小浮屠或十萬二十萬以至三十萬又常造浮屠二百一十有六實以七寶珠玉半置海畔半置水中以鎮海災據此則慶忌塔者乃元釋楊璉真伽輩造之中間所藏小塔乃擦擦類也吳農祥曰按吳越國王錢弘俶造八萬四千寶塔其制曰寶塔高六寸重三十五兩刻曰吳越國王錢弘俶造八萬四千寶塔乙卯歲記又塔四面脚下各有保字則非元僧造矣且巨石山有兩塔形式相同可証也又謂段家橋壺瓶塔即名慶忌非也或云慶忌塔在棋盤山上者亦非西湖萬曆諸志多因之特置辯於此

晉

抱樸子墓

在葛嶺寶雲寺

杜子恭墓

在此郭南齊書孔稚珪東過錢塘北郭於舟中遙拜之

唐

許玫許現墓

在天竺莊雞籠墩皆許遠之子

馬三寶墓

按成化郡志墓在九里松行春橋水竹塢宋紹興末欲去之以廣教場方舉鍾有黑蜂數

百出墓中不可近是夜帥夢一峩冠朱衣者告曰吾錢王之子葬此已久祈勿毀遂輟役至元十五年軍廝名狗兒者掘發之得鐵券一題曰雁門馬氏葬橫衝橋至元十五六狗兒壞我屋其定數如此夫鐵券所云馬氏似與俗呼馬三寶相符而又謂之錢王之子則何也世代漸遠事涉幽昧恨無從質訂也

太尉開府儀同三司薛正顯墓 在靈石山

五代

吳越國文穆王墓 在龍山之南原和凝撰神道碑文

吳越國忠獻王墓 在龍山之南原太常卿張昭撰神道碑文

吳越國孝獻世子墓 在天竺前山

給事羅隱墓 在定山鄉居山里

宋

尚書左丞薛昂墓 在山北天竺妙法院薛正顯三世孫

直秘閣知荆南府錢和墓 在靈隱天竺兩山之間

知杭州胡則墓 在龍井廣福院之麓則在真宗仁宗兩朝牧杭有惠政卒葬於杭范仲淹有銘

處士姚澣墓 在西山澣吳興人

和靖處士林逋墓 在孤山之陰紹興十六年建四聖延祥觀盡徙院刹諸墓獨詔存此咸淳

四年王庭書石曰和靖先生墓元僧楊璉真伽發其墓惟端硯一枚玉簪一枝而已至元間儒學提舉余

謙修葺植梅數百本於山構亭其下明成化十年郡守李端重修邑人于冕沈恒于墓上重種梅樹

朝康熙二十四年林逋自作壽堂詩湖上青山對結廬墳前修竹亦

巡撫趙士麟重修蕭疎茂陵他日求遺稿猶喜曾無卦禪書宋陳剛中詩北邙翁仲拱朱門

爭似孤山一不土高九萬詩玉函香骨老雲根占斷

涵竹影種梅地冷帶苔痕生前已自全名節身後元

誰從問子孫惟是年年寒食日遊人來與酌芳尊



薩天錫詩先生勝隱得孤山小艇沿湖日往還自愛

苔痕老梅自開花月影閒表墓劉子伯詩昔賢嘉遜

有銘祠有奠高風千載更廉頑碑殘微有後寂寞舊

烟霞白日尋荒路青山問隱家寒風噪暮鴉國朝丁

字梅古半無花回首西湖上亭前滿綠蕪肥逐便

文策詩扁舟次第訪明湖處士亭前滿綠蕪肥逐便

棹幾樹梅花似舊圖屬有隣吳農祥詩少微處士隱

人嚴子字可能興至一相呼明湖湖水潺

潺興不孤鄉國承平生竹箭朝廷寬大念菰蘆巖前

芳艸容吟嘯屋後梅花似畫圖千古求材能下士風

流還記昔人無

浮梁尉吳天秩墓在龍井

徐典章墓在南山樓真院

贈金紫大夫祠部員外郎強至墓在南山小麥嶺

贈資政殿學士強淵明墓在西溪欽賢鄉至子

司徒章得象墓在樓真院側

都尉周邠弟待制周邦墓並在南蕩山

少師元絳墓在南蕩山

贈太師樞密謚莊敏章桑墓在賣石山桑建州浦城人歷官同知樞密院事立邊

功為西方最授資政殿學士中太一宮使未幾卒賜

卹甚厚命其婿劉何使兩浙供葬事贈太師謚莊敏

杜北山墓在西湖麴院

按爽歐陽人  
大中五年世元  
此本作鈔唐人  
宜攷

尉曹將金勝祝威墓

在雲陽洞右  
詳見祠廟

冲晦先生徐爽墓

在靈隱山爽錢塘人隱居湖山以修  
真終老徽宗聞其名賜號冲晦先生

太府寺丞陳剛中墓

在風篁嶺沙盆塢剛中閩福清人  
慷慨挺特有志事功建炎二年登

第任太府寺丞應詔上封事主議恢復忤秦檜編修

胡銓以鯁直得罪貶新州剛中以啟賀其行有曰屈

膝請和知廟堂禦侮之無策張膽論事喜樞庭經遠

之有人遂與張九成等七人同謫差知安遠縣士論

惜之有詩云同日七人俱去國何時萬里許還家既

至縣適嶺寇為擾究心招撫感瘴而歿其妻子扶柩

抵臨安

明王瀛詩集句

今日漂零過古墳杜鵑枝上  
有啼痕空餘故國山如畫剪

葬焉

紙誰招萬里魂華表山空白雀歸子孫寒食

紙錢稀行人莫問當年事斷石淒涼卧落暉

贈直龍圖閣周格墓

在北山格處州人直秘閣浙西提  
刑建炎元年討叛卒陳通與子肇

不俱遇害高宗嘉其死  
節贈官勅葬其子耐焉

右文殿修撰周杞墓

在九里松水岡塢格之弟也建炎  
二年知常州值苗劉之變倡義勤

王適呂衛公制置淮浙亟貽書協謀凡芻糧兵甲車

艦動以萬計杞晨索暮辦悉中機宜師既東身獨留

常以杜要害使去者無卻顧憂

以功除右文殿修撰卒葬於此

鄜王劉光世墓

在定山北鄉子堯義耐光世保安軍人  
高宗時授耀州觀察使屢戰勝金為中

興良將嘗仕浙西安撫大使累官雍國公陝西

宣撫使卒葬於此贈太師謚武禧追封鄜王

襄恪公趙密墓

在西溪欽賢鄉高宗中興  
密以戰功顯常為殿步帥

都運趙鞏墓

在徐梵  
村之間

尚書員外郎董京墓

在棲霞嶺掃  
帚塢子樞耐

贈秘閣修撰徐應鑣墓

在方家峪  
詳見祠廟

秘閣朱弁墓

在智果院後尤文簡公作銘弁徽州人紹興中使金見執從孫文公為浙東提刑時嘗謀歸之不果文公六世孫慶元路學錄圭嘗作永思堂於側

武義大夫畢進子武信軍節度使再遇墓

並在西溪進兗州人建炎

間轉戰江淮積階武義大夫再遇以恩補官屢有戰功擢至武信軍節度使致仕卒年七十贈太師謚忠毅

謝公墓

在金龍山陽宋封廣應侯謝達及孫金龍大王緒俱葬此

國朝徐林鴻百

字令詞

安溪清淺見龍起蛟飛洪濤千頃玉樹多才蘭晚盛雅與淮淝爭競宮漏南遷鑿輿北去

鴻雁沙頭冷河山萬里立盡梧桐清影公是慷慨書生橫戈躍馬一戰思平定識入庚申誰許爾天已

潛移神鼎臣構書名道清押字不肯安時命馮彝風雨雲旗獵獵輝映

趙紫芝師秀墓

在葛嶺寶嚴院師秀溫州人有詩名

宋劉克莊詩

奪到斯人速詞

林亦可悲世間空有集天下便無詩盡出香分妓惟留硯付兒傷心湖上塚誰葬復誰碑

葉苔磯墓

在五雲山

少保鄂國武穆王岳飛墓

在棲霞嶺子雲旁耐飛斃於獄獄卒隗順潛瘞九曲叢祠

孝宗時改葬是處墓木皆南向明景泰間杭州同知馬偉修葺取檜樹一株析為二植墓前寓磔檜意名分屍檜正德八年都指揮李隆範鐵為秦檜并檜妻王氏万侯高張俊四人像跪墓前嘉靖十四年巡按御史張景刻盡忠報國四大字於石樹墓之南

國朝康熙三十一年杭州知府李鐸重修

宋林

弓寮詩

天意只如此將軍足可傷忠無身報主冤有骨封王苔雨樓墻暗花風廟路香沉思百年

事揮淚元趙孟頫詩岳王墳上艸離離秋日荒涼石

對斜陽老望旌旗英雄已死嗟何及天下中分遂潘子素詩

不支莫向西湖歌此曲水光山色不勝悲

湖水春來自綠波空林人跡少經過夜寒石馬嘶風

雨日落山精泣薜蘿江左長城真自壞鄴中明月竟

誰歌惟餘滿地蓑弘明王世貞詩落日松杉黯自垂

血草色年深碧更多英風蕭颯動靈祠

空傳赤帝中興詔自折黃龍大將旗三殿有人朝北

極六陵無樹對南枝莫將烏喙論勾踐烏盡弓藏也

不傅巖詩諸陵無復南轅祀半嶺猶存少保祠洒血

悲痛於龍塞酒涅膚深似御書旗八千雲暗

成三字十二符來只一時東望國朝王挾詩何處

靈潮撼城郭莫言幽恨獨鴟彝

雄荒村慘澹中魂歸汴京路地失宋時宮猿嘯

空山月鳴號古木風笑他和議者曾不為蔽弓明夏

言滿江紅詞和原韻南渡偏安瞻王氣中原消歇歎

淒涼亡國事而今惟有西湖月觀祠宮幸木尙南枝

傷心切人生易頭如雪竹簡汗青難滅柱乾坤要

使金甄無缺后土謾藏遺臭骨龍泉恥國朝吳農

飲奸臣血恨當時無奈小人朋盈朝闕

祥滿江紅詞和原韻赤手勤王歎王氣江東消歇拜

嘶殘沙塞雨橫戈醉踏江城月看空山無樹向南枝

真淒切三字訟向曾雪十年夢孤鳴滅慨陰精淪

沒蝕蟾餘缺鐵券空堅儒將膽金牌竟

墮班師血想英靈不忍向人間歸丹闕

烈文侯張憲墓在東山街口元總管夏思忠為立石表

始崇封焉詳見祠廟

尚書右僕射兼知樞密趙鼎墓在烏尖山陽

樞密張浚墓在太平山

輔文侯牛臯墓

在劍門關畔臯汝州魯山人為武穆部將累立戰功轉寧國軍承宣使部統制

田師中大會諸將臯遇毒亟歸語所親曰臯年六十官至侍從即死無恨所恨者南北通和不以馬革裹

屍顧死牖下耳遂卒或云秦檜使師中毒之景定初追封輔文侯

御史毛子俊墓

在西山玉泉子俊汴人扈高宗蹕南來為人忠義慷慨嘗上書言事與秦檜忤

罷官歿

葬於此

高菊澗墓

在西湖孤山後談家山

淳固先生宋斌墓

在舊資福寺之右斌袁州分宜人弱冠師朱熹確守師說演繹窮究至老

不懈號庸齋卒年八十私謚淳固先生

施梅川墓

在虎頭巖施名岳吳人能詞精於律呂楊守齋植梅作宇以葬薛梯颺為志李質房書周

草廳題蓋

上官良史墓

在北山招賢寺後

花翁孫季蕃墓

在舊水仙廟側季蕃名惟信始居婺光宗時棄官隱湖山間工為長短句好藝

花趙安撫與簾莖之後劉村誌其墓

元仇遠詩

水仙分地莖詩人一片荒山野火焚薦菊有亭

今作圃掃松無子謾留墳蝸牛負殼粘碑石老鶴携雛入隴雲欲把管絃歌楚些却憐度曲不如君

叅知政事知興化事陳文龍墓

在智果寺傍葬之次日墓即生竹竹俱有刺人

不能登眾謂忠義所感

丞相鎖柱墓

在西湖岳墓之東有碑表

丞議張鉉墓

在西湖佛首山之原陸游誌其墓

金塘縣志 卷之十五  
樞密院正將呂思恭墓 在履泰南鄉積慶山陳慥誌其墓

少師葉仲愈墓 在大慈鄉赤山

蘇和墓 在中竺和錢塘人建閣收書子瞻題曰錢塘書藏

施孟川墓 在定業院

柴士宗墓 在玉泉寺西北士宗本汴人高宗建炎年間兄弟二人扈蹕南渡一為學士一為校尉士宗卜居於杭卒葬玉泉為武林柴氏之始祖五百餘年子孫繁衍稱為名家世代既遠士宗未審何官階故僅存其名

郭時義墓 在靈隱山建炎間時義以母馮氏應召醫孟太后疾愈封安國夫人欽賜趙姓并坎山遂為邑名醫

元  
國子監丞陳旅墓 在西湖北太學山旅閩人

元

禮部員外郎程文墓 在石人嶺下文徽州人屢官翰林編修有文集行世

句曲外史張伯雨墓 在靈石山玉鉤橋伯雨賣玉鉤所建墓久頽廢明成化間姚綬葺治之

馮夢楨快雪堂集曰元高蹈張伯雨墓在南官峯左麓張號句曲外史吾郡姚公綬為營修其墓穹碑在焉余昨到龍井過其處讀姚文欲尋張埋骨處草樹翳鬱竟不可得徘徊太息久之陳季象云曾見李洙山封翁說正德年間有山民鋤地深數尺遂犯張墓見一人盤膝坐爪髮俱長偶傷其腦漿忽迸出良久復合其人驚懼急瘞之墓中有書二册携其一

出至鄭栗菴公諱還家鄭願以一金易之其人云當至墓中再取其一至途中忽風雷大作失書元錢惟所在向以風流詩翰欽之不知其有道術也

錢惟

丘墓

善詩 詩窮八十年江海正淒然玉塵風生頰青山雪滿顛門墻張藉俊墓表孟郊賢出處人皆識哀

訶微 九泉

處士仇遠墓 在棲霞嶺 元張翥詩 前輩飄零盡南陽有古阡詩應傳四海酒不到黃泉

槐國真成夢桃園亦是仙 松根一掬淚慘淡墮風烟

行省員外郎張光弼墓 在棲霞嶺光弼嘗曰吾死得埋骨西湖題曰詩人張員外墓足

矣比卒竟如其言光弼仕元為行省左司員外郎罷官居花市遨遊湖山屢月不返有詩名所著有左司集

江浙儒學提舉葉廣居墓 在赤山

處士鄭德俊墓 在玉泉山碧梧原

吾衍墓 在寶山

明

中翼元帥府統軍元帥嚴德墓 在靈隱寺西洪武元年敕葬詳見祠廟

行在禮部主事王洪墓 在尉司下扇

兵部尚書柴車墓 在大遼山之西原

高節菴先生墓 在南山

周府長史瞿佑墓 在甘溪

禮部右侍郎蔣驥墓 在尉司里仙芝山 國朝裔孫弘道詩 仙芝山下白雲深我祖音容何處尋十載園扉留汗簡三朝寶籙見丹心豐碑剝落傷心字厚葬沉埋御賜金

剩有裔孫慚繼起  
夕陽紅樹但愁吟

兵部尚書方賓墓 在南山  
法公埠

南京大僕卿王榮墓 在石  
屋嶺

南京兵部尚書謚貞襄徐琦墓 在積慶  
山之原

湖廣布政叅議周文墓 在玉岑山  
高麗寺前

吏部郎中張信墓 在南山馬婆嶺子太  
僕丞瑛孫叅議銓祔

廣西左布政使夏時墓 在石  
人嶺

太僕少卿陳贊墓 在風篁嶺子右  
通政嘉猷祔

禮部主事陳鏞墓 在石屋  
嶺之西

布政使武達墓 在洪度  
山之陽

南京禮部尚書謚文僖倪謙墓 在南屏  
山麓

高士丁鶴年墓 在清波門外其先西域人曾祖阿老丁  
從元世祖徇地西土有功父以世蔭為

武昌尹鶴年方十八避兵錢塘生母馮氏阻絕他所  
病死慟哭求母夢母具告以所齒血沁骨驗而葬焉  
晚習天方法廬於先人之墓卒葬其傍其裔孫  
大綬拓其地而俱環葬于其中遂世為丁氏隴

沈棲霞墓 在法  
華山

左府都督僉事許亨墓 在天竺  
山後

四川按察僉事王琦墓 在仙  
芝嶺

處士張翺墓 在八  
盤嶺



真人周思德墓 在八盤嶺景泰間諭葬

御史木訥墓 在學士港口

錦衣指揮張光祖墓 在上扇里孤山之巔

戶侯黃斌墓 在學士港口正統十四年征處州賊葉宗留以忠烈戰歿于陣中

兵部尚書贈太傅謚忠肅于謙墓 在三台山麓成化二年諭祭詳見祠公墓

在祠內即於墓前建祠 國朝康熙三十一年杭州知府李鐸修葺移祠於墓之西偏

廣西左布政使沈敬墓 在丁家山成化中諭葬

左府都督僉事張真墓 在小麥嶺成化七年諭葬

太僕少卿吳謙墓 在茅家埠成化二十年諭葬

副都御史吳誠墓 在五子嶺成化二十三年諭葬

贈禮部侍郎翰林學士王獻墓 在玉岑山下成化二十三年諭葬遣官營墓

南京刑部郎中項麒墓 在馬婆嶺下

毛竹軒墓 在西山玉泉傍

兵部左侍郎何琮墓 在方家峪弘治二年諭葬

都御史李昂墓 在風篁嶺下

贈禮部尚書汪諧墓 在龍井弘治十三年諭葬子太常卿舉祔嘉靖六年諭葬

都御史錢鉞墓 在佛牙塢

南京刑部右侍郎沈銳墓 在龍井

贈刑部尚書洪有恒墓 在西溪子贈 尚書薪祔

清江知縣沈儀墓 在桃源嶺下子贈 行人司副恩卿祔

南京禮部尚書謚文昭江瀾墓 在妙因山之原 正德六年諭葬

南京吏部左侍郎李旻墓 在八盤嶺正 德九年諭葬

孝子孫宗黻墓 在南屏之樂慶園旌表節婦 孫楊氏原葬此故宗黻祔焉

四川按察僉事沈瑞臨墓 在龍井 劉安山

贈大叅黃慶墓 在南高峯玉岑山 有隱德群稱長者

刑部尚書兼左都御史謚襄惠洪鍾墓 在西溪蓮花山 嘉靖四年諭葬

遣官營墓新建伯王文成 撰銘曾孫都御史瞻祖祔

應天府尹陳良器墓 在甘溪

副都御史錢宏墓 在玉泉寺之右

太子太保兵部尚書贈少保謚端敏胡世寧墓 在五雲山崗嘉

靖十年諭葬歲久荒圯萬曆三十五年令聶心湯修葺為之碑 明聶心湯碑 畧曰胡

以忠謀遠慮銷國家外讎內訌憂金甌大業至今賴之直與忠烈文成比烈曾亦數十年而廟庭大折松

檟不保隴原十畝僅存封豨祠宇數椽悉為鬻貨蓋匪躬者不遑卹其後而憑弔者能無惻於心是邦三

事大夫痛忠魂於宿艸嘉揚勵之素衷合謀修葺醵金百餘畀於司事而嚮來收買祠宇者亦義輸百金

餘乃僱工食役糞蕪剪荆建崇墉而構堂簾春秋祀事因條於石

大理卿陳珂墓 在龍井嘉靖十一年諭葬

後府都督同知張奎墓

在飛來峯石人塢嘉靖十四年諭葬

昌化伯邵林墓

在九曜山嘉靖十九年諭葬林前衛人實誕生孝惠太皇太后于報恩里嘉靖

初追封昌化伯墓前有發祥祠奉勅建長子琮錦衣衛指揮使尋卒仲子璿嗣伯爵從子輔錦衣衛指揮

僉事

右府都督同知牛桓墓

在靈鷲山嘉靖二十六年諭葬

順天府尹查秉彝墓

在五雲山南桐樹塢嘉靖四十年諭葬

吏部左侍郎茅瓚墓

在盤龍山花園嘉靖四十五年諭葬

處士胡萬銳墓

在九里松玉蓮亭側

都督同知萬表墓

在月桂峯歐家山

刑部員外郎邵經邦墓

在玉泉山

邵武同知諸燮墓

在白鶴峯

處士吳博墓

在玉岑山高麗寺西南子棠孫範今範型耐宮詹太冲之高祖原籍海鹽構家難遷

武林吳氏籍武林由處士始

贈工部尚書江曉墓

在仙芝嶺隆慶二年諭葬

文淵閣大學士謚文端高儀墓

在南屏山中峯之原萬曆二年諭葬遣官營墓

武英殿大學士呂調陽撰銘

國朝徐林鴻詩

雷峯隱隱藕花莊湖水清蒼半夕陽

墓下疎花吹燕雀城邊哀角散牛羊兩朝雨露遲仙馭三殿風雲引御床辛苦受遺高相國手持丹詔出

光李式玉詩

受遺宰相有文端畫室功名麟閣看天

路僻行人少紅藕花開宿草殘五畝既荒坟不守羊曇何日淚痕乾

贈工部都給事中孫揚墓在八盤嶺

隱君許斌墓在玉皇山老人洞子封廣東道御史賢耐

湖廣按察僉事楊祐墓在青芝塢子教諭承憲耐

太常卿嚴大紀墓在陸家坳

祭酒馮夢禎墓在西溪梅塢

贈兵部右侍郎江鐸墓在仙芝嶺萬曆二十三年諭葬

吏部尚書謚恭懿張瀚墓在三台山萬曆間諭葬

僉都御史張濂墓在靈鷲山

四川按察副使陳洪範墓在丁家山

雲南左布政使陳善墓在積慶山

南京光祿卿諸允脩墓在靈隱山

山西布政叅議孫枝墓在南屏山

吏部員外郎虞淳熙墓在雷峰下

驃騎將軍陳九思墓在小和山內森羅塢

副都御史陳洪濛墓在荆山萬曆間諭葬

朝歌知府翁汝遇山東布政叅議翁汝進墓俱在六和塔右

江西布政叅議黃汝亨墓在花園橋內

四川按察副使柴祥墓 在孤山

通州知州諸夢環墓 在靈山

封兵科給事中洪椿墓 在三台山

廣東按察使馮覲墓 在石屋嶺

贈侍郎宋富宋儒墓 在大桐塢曾孫錦衣楚望知府虞望祔

兵部右侍郎經畧宋應昌墓 在北高峰下子贈知縣守敬曾孫知縣爾祔

處士陳起龍墓 在丁婆嶺布政善之後

封廣東布政叅議沈瀚墓 在桃源嶺下曾孫貢士鳳翔祔

贈吏部尚書黃思道子廣東布政叅政贈吏部尚書克

謙墓 在北高峰靈隱寺左

曾遠墓 在上扇二岳曾子後裔

處士高鎧墓 在馬坡嶺鎧孝事繼母撫育羣弟有司旌其孝義壽九十有三子來正德年貢官邵

武司訓孫應冕嘉靖甲午舉人官至光州守有詩名集傳世曾孫濂官鴻臚江萬曆乙酉舉人江西新城

令俱祔葬焉

太常卿葛寅亮墓 在三台山

僉都御史許子良墓 在三台山萬曆三十二年諭葬子叅政聯樞祔

吏部員外郎錢養廉墓 在三台山

贈刑部尚書陳禹謨墓 在茅家埠天啓間諭葬

贈工部右侍郎沈士寧墓 在安吉一畝

順天府尹贈工部右侍郎沈光祚墓 在城西二畝 天啓間諭葬

封禮部員外郎錢科墓 在金沙灘

雲南右布政陳王廷墓 在靈鷲山神尼舍利塔下

指揮使萬達甫墓 在西溪

禮部主事傅巖墓 在慈雲嶺下施家山子齡發齡熙祔 父贈禮部主事賢原葬于此巖初葬

父於施家山甲戌成進士更置左右山共三十餘畝 掘地得骸巖不忍暴其遺賂命與其值仍許其子春 秋祭掃如故不封植營建鼎革後父子殉難舊廬為 官舍遺孫幼孤流離散處不能歲時拜謁其山或為 原主估匿或為守墳盜賣雖具券契莫可誰何至康 熙十八年其孫始得抱祖父之骨祔葬于其左所存

山已殫 九矣 國朝吳農祥詩 兩世言忠孝聲名徹九重 黃泉終不改白刃亦相從

江閣吹哀角山亭報晚鐘 一盂陳麥飯寒食灑青松

湖廣按察副使許文岐墓 在中台山

吉水知縣陸運昌墓 在青龍山

魯長史俞起蛟墓 在雁臺鄉

處士章鉞墓 在柵外一畝龍華寺前施家山

封副都御史陳肇墓 在丁家山

禮部員外郎錢華墓 在葛嶺孫士璋祔

御史陳潛夫墓 在西溪荆山

行人陸培墓

在靈鷲山

御史姚奇胤墓

在穎秀山

繁昌知縣高汝梅墓

在丁家山汝梅萬曆丁丑進士官繁昌令撫按舉廉吏第一以忤內

貴遷福寧州守子時亮萬曆乙酉舉人祔葬孫克臨文學尚義有睦族賑荒贖難諸事壽八十餘葬白鶴

峰元孫徐基康熙癸未進士官翰林庶吉士

廣德州知州趙景和墓

在松義山

徵士孫讓墓

在茅家埠

叅軍顧邦臣墓

在錫杖山子提命祔

贈江南布政使龔景鵬墓

在白岩山子贈江南布政使應嶽祔

歸德通判徐一源墓

在瑪瑙寺西

中書洪澄墓

在西溪花牌樓

張振淵墓

在六和塔

叅軍闕廷詔墓

在秦亭山

儒生章一桂暨節婦高氏墓

在桃源嶺墓後五十年其孫更置金心上墳地

處士張伯元墓

在老龍井

郭孝童墓

在表貞祠右

邳州同知錢夢龍墓

在風篁嶺

合州知州汪茂棠墓

在荆山

處士毛應鎬墓 在青芝塢

處士陸淵墓 在飛來峰南蓮花峰淵多隱德常拾遺金待其人還之有鄰女私奔堅拒不納曾孫

肯堂康熙乙丑狀元元孫秉鑑癸未進士翰林庶吉士賜書丙戌進士禮部主事人以爲隱德之報云

長史裘自謙墓 在碧峰山下仲子贈奉政大夫之雄葬于碧峰之右丹鳳山起鳳坊

處士汪應昌墓 在慧日峰

國朝

句容知縣錢朝彥墓 在南屏山麓

孝廉汪灝墓 在青芝塢

贈知縣關大生墓 在龍井風篁嶺之原知縣鍵父

處士吳太淳墓 在兔兒山法相寺前子農郊農邨農邨附

禮部郎中張懋忠墓 在白鶴峰

驃騎將軍顧顯榮墓 在茅家埠

福建按察使沈循墓 在上扇二畝

處士丁國元墓 在雷院東于家山下

孝廉張蔚然墓 在孤山

贈江南布政使龔勤庶墓 在虎跑城西二畝

懷遠將軍霍時御墓 在靈隱龍門山

贈翰林學士邵泰卿墓 在神霄雷院西瑞雲山下



孝廉沈堯章墓 在龍井

戶部侍郎嚴沆墓 在西山

處士沈緯墓 在方家峪

明經章士斐墓 在青龍山墓後二十年其子更置金心頂餘地

處士王一奇墓 在鷄籠山奇淳謹不苟常周人急難

中書舍人吳潮墓 在鳳皇山北觀音洞之右

處士陳祚明墓 在西溪鮮于山

贈按察司僉事高咸臨墓 在玉泉山事載忠節傳子鳳采鳳盤俱祔

處士蔡銓墓 在桃源嶺之麓

處士蔣維賢墓

在丁家山花家圩明嘉議大夫驥之後遭世亂隱居不仕行文博奕外無雜好子名登別有傳當明未歲荒維賢憂瘁卒妻莫氏有淑德先旬日卒名登方幼齡拮据奉塋次子兆登祔

處士陳廷會墓 在桃源嶺下

處士章嘉謨墓 在流芳嶺嘉謨孝友謹厚稱為長者

容縣知縣沈希畢墓 在上扇二畝

徵士應撝謙墓 在西山

處士沈學曾墓 在橫山箬帽峰

處士柴紹炳墓 在南山花家圩

雙孝墓 在下扇畝許昭遠與妻盧氏並至孝人稱為雙孝墓云

處士蔣名登墓

在王姨嶺侍郎驥後也童年救父疽有孝名隱德弗耀以壽終有傳子弘道每

月朔望必素服往省無間寒暑風雨云

處士俞士霖墓

在滿家街之白鶴峰子喜起孫德與附

工部尚書謚文和陳鼓永墓

在慈雲嶺下八卦田康熙二十二年諭葬

兵部右侍郎項景襄墓

文華殿大學士謚文僖黃機墓

在靈鷲山

御史顧豹文墓

在吳家山

少詹事邵遠平墓

在雷院

光祿卿龔佳育墓

在青龍山新城王士禎銘其墓

處士張競光墓

在天竺石人嶺

德安推官洪吉臣墓

在橫山桐塢子同知秉銓附

中書姚廷益墓

在神童嶺廷益篤孝有文行孫熙載聰慧工時藝十四為名諸生早卒附於旁

贈知府陳季方墓

在青芝塢

御史趙蒼璧墓

在青芝塢

處士王必顯墓

在白鶴峯必顯有隱德與從弟太僕卿益朋篤友于之好子三長鼎次耀季禧

庭訓嚴肅每以讀書為善教之耀十四為諸生藏修息遊恐墮先人業必顯持身方正嚴聲厲色見善必為雖費多金不少恡卒之日人多嘆息之同胞女弟適徐氏相宅者言必有宅相甥潮位果至冢宰云

翰林庶吉士陳成永墓

在蒞珠山

國學孫做墓

在演福寺

孝廉顧鴻文墓

在行春橋

處士何可期墓

在徐村化樹灣明諸生積學通經隱居設教學者爭從遊焉子瀚載義行

吏部尚書徐潮墓

在小和山

處士夏德昌墓

在龍井金鐘山德昌端方淳謹人並稱之

唐

馮孝女墓

在孝女北鄉報恩寺後山古城頭

孝女醜娘墓

在孝女南鄉

五代

吳越孫妃墓

在石人嶺下

吳越仰妃墓

在小麥嶺

明

五節婦墓

在西山玉泉傍塋陳氏許氏童氏孫氏查氏一門四世苦貞完節人稱毛氏五節

國朝

二賢婦墓

在西溪荆山塋孫氏張氏二氏俱名家女先後為姚樹齋婦均有淑德能相夫教子有敬

姜之遺風焉里間稱姚氏二賢婦

孫秀姑墓

在東山街

舊志載蘓小小墓今削之吳焯曰諸志載蘇小小墓於孤山或云江干皆非也考吳地記蘇小小墓在嘉興縣西

南六十步宋時尙有片石在通判廳題曰蘇小小墓故  
 徐凝詩云嘉興縣裏逢寒食落日家家拜掃回只有縣  
 前蘇小小無人送與紙錢灰又羅隱詩云魂依橋李城  
 又李紳詩序亦然舊志蓋緣西陵誤也殊不知西陵卽  
 西興在今蕭山縣錢武肅以陵非吉易興亦非江干古  
 詩所謂西陵松栢下與李賀詩西陵下風吹雨之句不  
 過溯其爲懽之地耳未嘗言墓在此也且錢塘有二  
 蘇小小一宋人亦名妓能詩歸趙院判見武陵舊事  
 又小青墓辯吳農祥曰孤山有小青墓吳下之士撰爲  
 傳奇誌銘錢謙益曰虞山邑子僞爲之隱情字也或云  
 鍾姓言鍾情也俗傳不實流爲丹青近世文  
 士有以孤山訪小青墓爲題者良可噴飯也

附

辟支佛骨

下並年代無考

慧琳塔

在永福院

無着禪師塔

石人嶺

辟支塔

在孤山

傅大士塔

在鳳凰山

晉

慧理法師塔

在靈隱寺後岩因名曰理公岩

隋

神尼舍利塔

在飛來峰隋文帝始生尼知其貴帝長尼私謂曰佛法暫廢俟汝而興屬周武廢教

尼隱帝家而卒及帝卽位令天下造佛塔而以尼舍利函遣僧賫至靈山建塔焉

真觀法師塔

在天竺東岡開皇十五年師居天竺手標葬處久廢不作宋天禧間王欽若判杭州

時訪得之  
宋楊蟠詩  
東岡人不識野寺在樵漁  
落葉年年滿春風為掃除

瑞光法師塔  
在三生石

唐

烏窠禪師塔  
在北山

恩高僧塔  
在龍井

贊寧塔  
在龍井

永明禪師塔  
在慧日峰

文喜禪師塔  
乾寧四年住靈隱歿葬慈光院後遷靈隱  
蓋後唐光化三年也歷十三甲子計今

國朝順治七年庚寅七百五十一年山僧作圃種菜  
闢地九尺及師缸頂有小鉢破之黑氣冲天良久方

散啟視之則師跌坐其中前髮僅覆額後髮下垂蔽  
體脚指甲三匝于身手指甲僅一匝笑容如生衣微  
紅色按之如灰烟然此九月十三事發之日山鳴十  
六日午時菜寮上梁是夕北峰塔倒城中地震見保  
志堂集

宋

辨才法師塔  
在龍井寺側

智圓和尚塔  
初在孤山瑪瑙院今徙葛嶺東

大智照律塔  
在靈芝西北

三藏道法師塔  
在九里松

脩真了義禪師塔  
在葛翁井

元

中峰和尚髮塔 在雲居寺

明

濟慧禪師塔 在虎跑寺

蓮池大師塔 在寶刀巖

論曰書云封比干之墓齊策云令有收去柳下季壟

五十步而樵採者死不赦古之賢王重其人因以重

其墓也錢邑之忠孝節義徵君處士大有人在而一

杯之土纍纍相錯於兩峰南北闕曾無隙地得樹樂

槐楊柳焉苟不表而志之其或湮沒失傳而不至犁

為田者幾希未識牛眠幸觀麟臥曷可忽諸

錢塘縣志卷之十六

錢塘縣志

錢塘縣知縣南樂魏嶺纂

人物名宦

自史公傳循吏而志書始列名宦尚已乃穢跡彰聞  
略而弗書何其幸也官錢塘者雖不能如仲由之治  
蒲子賤之宰單父而召杜餘風往往未泯其他哦松  
之丞仗劍之尉不以位卑而遺斯民直道可以概見  
志名宦

宋

沈演之

字臺卿武康人元嘉初舉秀才令錢塘有政蹟十二年東諸郡大水民人饑饉錢塘升米三百以演之及尚書祠部郎江邃並兼散騎常侍巡行拯卹許以便宜從事演之乃開倉廩以賑饑民民有生

者仕終吏部尚書謚貞侯

劉道真

懷敬子元嘉間為錢塘令東土饑楊州治中從二邦之首最治民之良宰文帝嘉之各賜穀千石以道真為步兵校尉

張祐

高平人元嘉中為錢塘令著能名宋世言良吏者以祐與北平傳僧祐穎川陳氓三人為稱首

蕭赤斧

南蘭陵人大明中為錢塘令遷正員郎赤斧治政為百姓所安吏民請留之時議見許

庾炳之

字仲文穎川鄆陵人以尚書度支郎出補錢塘令治民有績

齊

孫謙

字長遜東莞人齊初為錢塘令御煩以簡獄無繫囚及去官百姓以謙在職不受餉遺追載縑帛以送之謙辭不受去官輒無私宅借空車廐居焉

陳

王沉

字彥流陳時為錢塘令清廉戒慎身無恒祿而居處日貧無宅可憇死之日故吏為營棺柩按沉姓王氏為錢塘令仕至長沙太守南史附在傳翹傳中非姓傳也府縣舊誌俱作傳沉誤今改正

陶籍

字文海弘景之子也仕齊為餘杭令政化如神善于摘伏下莫能欺性頗不檢俄為百姓所訟又為錢塘令下車行政咸謂數十年來未之有也籍好學有才氣為詩類謝靈運時人咸謂康樂之有陶籍如仲尼之有丘明老聃之有莊周二按南史稱弘景不娶無子從兄以子松喬嗣豈籍即松喬耶舊志云



云必有所據俟  
與博學正之

唐

羅隱

字昭諫新城人嘗居池上梅根浦自號江東生光啟間舉進士不第歸吳越王鏐表為錢塘令辟居幕府朱溫篡唐隱勸鏐舉義兵討溫鏐不能用仕至諫議大夫隱性傲睨爛于詩詞博物饒智譏評人物料事多中至今縣父老相傳奇事佳話必歸隱隱與同姓虬鄴齊名號三羅舊鼉江有二氣夜巨天及隱與杜建徽生氣不復見說者謂文武氣鍾焉嘗著湘南甲乙集淮海寓言及謨書六十篇行世治績雖不少概見而勸義一事大節與日月爭光祀名宦

宋

張君房

字允方安陸人為錢塘令撰潮說三篇所著書甚眾仕至祠部郎中集賢校理年八十卒

方懋德

字元相宣和三年起家胄監授鄂州刑曹改武康尉邑有丐者死于沈氏之門或以誣沈獄已具懋德辨而釋之後遷錢塘令府牒索磚五十萬懋德持不可立庭下屹不去卒罷之

鞏庭均

為錢塘令嘗撰錢塘湖山遊覽記

朱蹕

湖州人為錢塘令建炎三年完顏宗弼犯臨安蹕鳩鄉兵二千前往餘杭欵敵使杭民為逃死計行二十里遇敵蹕中兩流矢傷甚猶叱左右負已擊賊城陷蹕在天竺山遇害咸淳間封顯忠侯廟食錢塘并祀名宦有尉金勝祝威集涓兵還據葛嶺編竹覆泥為途以禦賊賊辟易數舍執導由南壁入亦遇害鄉民具馬革駢痊錢塘門外楊雲洞與朱同祀

沈菊山

失其名字袁州宜春人由進士知錢塘嘗植菊數百本以自樂晚節益堅適以九月九日沒朱文公輓之以詩云愛菊平生不愛錢此君原是菊花仙正當地下修文日恰值人間落帽天生與唐詩同

一脉死隨陶令葬千年如今忍  
向西郊哭東野無兒更可憐

**吳革**淳祐中為錢塘令中興以來錢塘地段多為王官  
公府而稅賦尚存民以為病革申請于府為之奏

免九年通  
判臨安府

**李祥**字元德無錫人隆興時進士為錢塘主簿時姚憲  
尹臨安俾攝錄叅邏者以巧發為能每事下有司

必監視鍛鍊囚服乃已嘗誣告一武臣子謗朝政鞠  
于獄祥不使邏者入門既而所告無實具以白尹尹

驚曰上命無實乎祥曰既坐譴自甘憲具論如祥意  
上曰朕幾誤矣卿吾諍臣也賜憲出身為諫大夫祥

濠州錄事叅軍仕終龍  
圖閣致仕卒謚肅簡

明

**黃信中**

洪武間任錢塘奉職循理勤公恤下為治以廉  
約著稱吏民咸愛戴之秩滿當去會知府員缺

部民詣闕懇請上乃擢信中知府  
杭州保釐有古循吏風祀名宦

**葉宗行**

華亭人永樂初以求賢舉隨夏元吉來浙為治  
水使者有功擢錢塘知縣居官廉慎一介不取

觀察周新素聞其賢微服入宗行私署偵之他無所  
有惟竺澤魚腊一束其家所寄者袖少許明日召宗

行顧出腊示之他令相戒不敢為非百姓稱為一葉  
清云錢塘素號衝要賦役頗繁無輕重高下之別民

重苦之宗行酌便宜更役法民頗稱便卒于官民哀  
思如失父母周觀察自為文哭祭之有曰惟錢塘之

山水與公萬古同清  
人以為實錄祀名宦

**鄺彥譽**

臨武人以賢良方正舉授四川布政使檢校正  
統十年遷錢塘知縣心存惠愛政尚寬平惓惓

以興學為務用薦即  
拜浙江按察使僉事

**余本釗**

字應明江夏人弘治五年以舉人來知錢塘  
有治績嘗雪歛人張良誣獄稱為廉平吏云

李承式

字敬甫直隸大同人嘉靖丙辰進士初仕錢塘令節徭寬通善讞疑獄先後用循良薦者四十

餘曠時東南中倭軍書旁午督府胡宗憲多所徵調一日諭錢塘製軍士袴三萬具吏皇駭無措承式令取布散民間人製一具俄而報命宗憲大悅期大用後以執法忤嗾使者意調令深澤公論惜之去後多遺思行至姑蘓有款舟者自言錢塘民賴承式雪其冤願以三百金壽承式曰吾知雪冤耳爾姓名吾不復憶敢望報耶亟去勿多言其人感泣隆慶

姜召

字可叔四川廣安州人萬曆初由進士令錢塘性廉敏一目數行下人一見終身不忘雷厲風行剖

决若神五鼓坐堂皇至午罷衙庭空無人時獨棹小艇西湖上焚香讀書與諸生譚經義亶亶不倦所簡拔皆成名士接縉紳以禮一千以私辭色俱厲于權要更甚在邑八年四境清肅均徭清賦立鄉約置義倉百廢具舉至今利之仕至僉憲卒于官篋無一錢時新都范淶與同官推服其才品為藩伯時具告縣

令朱光祚特

祀名宦焉

朱光祚

江陵人萬曆乙未進士令邯鄲以母喪歸釋服得錢塘一攝仁和滿四歲改銓部光祚始下車

造請賓客與中涓講鈞禮不可則登車返楚中涓以其賢敬禮之天性閒敏善聽訟詞輕者令三老呼之使自至折以片言皆頭搶地警服若大辟訟責狀誣即株坐迄任無敢欺之者逐貪猾吏桀黠徒隸一切引繩批根亡敢逃者所全活下戶羸弱無算入錢穀者令戶自彙輸門外積中不以屬胥吏區賦長日稽六里一月而徧計可省上下乾沒金錢六七千緡清伏匿田地二十六頃闕甌脫地不耕者一千五十二畝置七坊蓄洩灌新舊田萬畝司民籍口未傳者二千傳之曠山積蔽日而諸生以文苑至者必撤簿書款接身為大都講授經課藝焉士以故傾心向之去思碑云侯洞視徹聽乃凝于神手握二管硃墨交落左方右圓靡不如意其蹕絕如此

聶心湯

字純中新淦人萬曆甲辰進士令錢塘每慕宓不齊之為人以父事兄事斷一邑政錢塘為三

劇五衢冠蓋輪蹄與簿書皆輻輳集心湯沉粹明敏事至即决庭無留牘口甚辯與臺使者悉利害可否侃侃盡言必得請乃已適南湖水溢錢邑欽賢諸鄉

被災最烈于是建化灣塘次築閘次議濬南湖以清治其源杭湖數十州縣始免魚鼈次建捍江塘功最

大又以其暇時課諸生藝其瑕瑜處深中人隱治六年而士民志之以為吾父母爾去一年而思其德

劉石誦之贊曰上非邀名下非市媚于碑見之矣

鄔明昌

字期仲湖廣漢陽人崇禎丁丑進士令錢塘天性沉毅寡言笑容至與客就坐目注視地嘗三

易茶賓主不交一言而退以故人不致干以私先是編役法壞縣掾與里胥盤互為奸蠹多以貧下充見

年一月三受笞而豪富者不納如故明昌至廉知之每一戶給單一凡丁若干田地蕩若干銀若干分為

四限納一限則截單一角謂之截角單不納者執單聽比掾胥豪猾之弊一清而士民始得休息入覲考

功中以法副使黃鳴俊直前爭之曰騏驎不服軛可也

吏部尚核實此舉風聞耶核實耶選君不從明昌乃棄官歸武昌

顧咸建

字漢石崑山人以崇禎癸未進士令錢塘直歲大稔民採橡屑榆掘野鼠為食而司農以粟入

為殿最先至者得高第諸縣催科如束濕薪值糧限者比戶懸磬無所控訴往往雉經倉門外猶捕子弟

抵償乃已人心惶惑無所適咸建下車分兩稅為十限粘于門今同甲提諭之終不以符屬胥吏民以為

滋植我爭先輸反出他縣上國初下浙江獨咸建不屈斬西市大異顏色如生縣民經

紀其喪一時稱為忠義云

徐寄剛

正統間為錢塘丞在職九稔勞心撫字以廉公著稱滿去民乞留得旨增俸復任

王士和

字希節侯官人正德丁卯舉人署錢塘教諭縣自弘治丙辰王獻後二十年無榜春官者士和

萃諸生日課文講藝親爲刪定盡月第其得失勸懲之家故饒豐酒饌雕盤雜俎與諸生會酒食如親子弟或貸與金錢不責償諸生感奮凡二十年成進士者十五人兩分考鄉試晉繁昌令高邨知州調海州卒年六十

李德陽

淮安人歲貢生教諭錢塘謙和愛士旁邑諸生慕其高懷亮節多從之游視富陽築嘗于署中聞朔山鍾聲頗異乃親往叩擊清越以長餘音似在鐘簾間曰此桐材也未遇中郎淹抑久矣取歸命良工琢以琴自謂不減焦尾響泉後竟以此得謗德陽欣然抱琴還淮南

國朝

張文光

字謙明祥符人崇禎戊辰進士順治初來令錢塘浙閩初平山藪未靖羽林禁卒駱驛旁午凡糗糧牛馬芟芻水陸驛置皆責諸令令以單騎南北馳日不暇給一廝養者至廳事指畫百端少不合意

則以馬箠箠吏頭面破傷州縣吏卒遁去文光至頗得其情實撤公座于庭設酒饌乃首宣

朝廷用兵之意徐及小民困苦之形利害可否詳爲開論多歡飲而去民賴以安堵以最擢吏科給事中文光好吟咏氣體高爽亦具風格蓋雅人也

何玉如

字淡巖洛陽人順治乙未進士任錢塘令甫三年所凡所爲勸課農桑招集流移興崇學校綏輯樵採無不備至催科行以撫字聽斷極爲神明錢塘下鄉嘗若水下流而餘杭南湖又以錢塘爲之咽喉南湖一決未底太湖下鄉先爲巨浸玉如以餘杭若溪雖他邑事實一郡所當爭者因請于上臺中丞范承謨隨檄玉如開濬南湖以太湖承其委而杭郡均受其利民咸德之又數年陞保定府同知遷山西大同

知府

梁允植

字承薦真定人以恩貢生來知錢塘性明敏有幹濟才時杭之患惟逃人營債爲最急而二者

皆不逞之徒爲之勾引允植廉得之于是嚴保甲以  
察窩家令自首貫其罪其牽引營債之罪則專責之  
民民乃蘇呼更生甲寅閩變總督李之芳移鎮三衢  
巡撫田逢吉督兵城守咸以允植爲才命以邑令佐  
軍興調兵食凡支應滿漢大兵及火炮鉛彈軍器及  
解糧餉前後運用船計萬有八千餘號夫役至二萬  
餘人皆身先奔命中夜傳呼曲爲籌畫俱出召徇而  
民無怨咨會遷江西袁州府同知特疏  
題留命以同知攝錢塘縣事事平擢福建延平府知府  
允植風流儒雅樂錢塘山水之勝銳意修葺其志未  
成而去民猶歌  
頌之有碑記

論曰宦何以名賢也然吏而循有名吏而酷亦有名  
又何賢乎爾曰吏去而人思之久而愈不能忘則思  
所以祠之於是宦之名始著焉可不謂賢乎錢塘隸

浙省會役繁賦重難於他縣臺使監臨賓客交錯加  
以山海警備軍馬驛騷撥協夫丁採買供億凡百皆  
取之於縣仁過則傷務義過則困民是則今之縣較  
難而仗節居官爲難之又難者已余按新舊志累朝  
以來令茲邑者四百餘人而見於聶志者纔十七人  
合之

國朝兼丞簿尉三十有四人何其難也如羅昭諫之忠於  
唐又長於諷諫顧漢石之忠於明而其憂國之誠愛  
民造士之摯此其意豈在名乎若夫令之廉名令之

惠愛令之威稜令之文采實不同而名同其傳亦有詳有畧余嘗拜瞻祠下慕其名重思其人皆吾所仰止也豈尙有忝於俎豆者歟

錢塘縣志卷之十七

錢塘縣知縣南樂魏嶠纂

戚畹

戚畹有志尙已然其人事功往往散見他傳今舉其畧附於世家用昭國典禮也志戚畹

三國

吳景 姊與孫堅為婚即吳夫人黃龍元年追尊為武烈皇后景隨堅征伐拜騎都尉領丹陽太守表為揚

武將軍詳武功子二奮新亭侯祺都亭侯

徐琨 從孫堅征伐堅子權聘其女為妃琨在孫策時封廣德侯平寇將軍從討黃祖中流矢卒

錢塘縣志 卷之十一  
五代  
全琮 尚孫權公主歷官右大司馬右軍師詳武功

五代

成琇 成及子及從吳越王錢鏐同事攻討初為團練副使鏐以其女妻及子琇後及歷彰義軍節度使檢

校太尉兼侍中每事征伐琇與有功

孫承祐 吳越王俶納其女為妃因擢要官累遷鎮海鎮東兩軍節度副使宋太平興國三年從俶上表

獻地詔徙承祐為泰寧軍節度使詳武功

宋

李用和 章懿皇太后弟也少居京師鑿紙錢為業太后求得之歷遷永清軍節度留後改定州歷彰信

軍節度使同中書門下平章事景靈宮使詳名臣

李璋 用和長子以恩補三班借職積官為太平軍節度觀察留後知澶州復知鄆州詳前傳

李瑋 用和次子尚充國公主積官濮州團練使後至建武軍節度使檢校太師卒

李珣 用和季子以蔭為閣門祇候累遷均州防禦使知相州賜御製詩飛白字寵其行使契丹還更賜黃

金及忠孝字熙寧中遷宣州觀察使知穎州哲宗初進泰寧軍留後提舉萬壽觀

錢景臻 暄子尚仁宗女許國大長公主封康國公生忱忱生叅政端禮端禮生太師管管生丞相象祖

錢忱 字伯誠吳越王俶五世孫父景臻尚仁宗第十女生忱仁宗賜名除莊宅副使騎都尉高宗立拜檢

校少保瀘州節度使中太乙宮使賜御書忠孝之家字紹興十五年除少保封榮國公遷少師卒贈太師

錢愕 字茂遠景臻次子臻有四子忱愕為王出累遷武當軍節度使開府儀同三司封越國公愕子端英

淮南東路提舉端英生制叅策策生明州推官述祖述祖子洗復尚宋越國公主歷官翰林學士



錢端禮 忱子以父恩補官女為皇長子鄧王夫人和議成端禮以首參規相位殿中侍御史唐堯封論端禮帝姻不可任執政不報鄧王立為太子端禮引嫌除資政殿大學士兼侍讀提舉洞霄宮卒贈銀青光祿大夫

謚忠肅

明

邵林 字懋清杭州前衛人生而魁梧倜儻有大志誕生孝惠太皇太后正德十六年贈錦衣衛指揮使嘉靖初追封昌化伯

邵琮 林長子成化丙申上命中官取詣京指錦衣衛帶俸正千戶尋陞指揮使子華嗣適岐王之國為請於朝乃命掌馴象所事

次子英亦授試百戶

邵禧 林仲子歷陞錦衣衛指揮使嘉靖初襲封昌化伯食祿千石與世券明年薨謚榮和子蕙嗣五年薨

無子族人爭嗣下廷臣議停封爵量與恩澤嘉靖七年仍令其族人杰嗣八年革外戚封停嗣

錢塘縣志卷之十七

錢塘縣知縣南樂魏嶸纂

吳越世家

吳越之列世家昉自五代史而陳善郡志特冠諸列傳之上良以建邦啓土若晉楚齊趙諸國不當概之傳列固遷史定例矧武肅手提三尺保障東南傳世五王守國百年不失忠順昔人稱其有功朝廷有德民生誠非虛也且邑以錢名自古爲昭可勿特爲表異乎志吳越世家

五代

吳越王錢鏐字具美杭州臨安人也幼時與羣兒戲大木下指揮爲隊伍頗有法及壯以販鹽爲業縣錄事鍾起有子數人與鏐飲博起嘗禁其諸子諸子多竊從之遊豫章術者工天官占斗牛間有王氣斗牛者錢塘分也因游錢塘占之在臨安乃之臨安以相法隱市中陰求其人起與豫章人善私謂起曰占君邑有貴人求之市中不可得視君之相貴矣然不足當之起乃爲置酒悉召縣中賢豪爲會陰令術者徧視

之皆不足當一日術者過起家鏐適從外來見起反走術者望見大驚曰此真貴人也起笑曰此吾旁舍錢生耳術者召鏐至熟視之顧起曰君之貴者因此人也乃慰鏐曰子骨法非常願自愛因與起決去起始縱諸子與鏐遊時時周其匱乏鏐善射與槊驍勇絕倫略通圖緯諸書邑中山有石徑二尺七寸其光如鏡鏐照形作冕旒狀甚秘之唐乾符二年浙西裨將王郢作亂石鑑鎮將董昌募鄉兵討賊表鏐偏將時年二十四擊郢破之是時黃巢衆已數千攻掠浙

東至臨安鏐謂昌曰今鎮兵甚少難以力禦宜出奇兵邀之乃與勁卒二十人伏山谷中巢先鋒度險皆單騎鏐伏弩射殺其將巢兵亂鏐以勁卒蹂之斬首數百級鏐曰此可一用耳若大眾至何可敵耶乃引兵趨八百里八百里地名也告道旁媪曰後有問者告曰臨安兵屯八百里矣巢眾至聞媪語不測其地名皆曰向十餘卒不可敵况八百里乎遂急引兵過都統高駢聞巢不敢犯臨安壯之召昌與鏐俱至廣陵久之駢無討賊意昌等不見用辭還駢表昌杭州

刺史

按事記謂周寶表昌為杭州刺史與此不同蓋彼斷據唐史而此用五代史故耳後凡不合事

紀者皆做此

是時天下已亂昌乃團諸縣兵為八都以鏐

為都指揮使中和二年越州觀察使劉漢宏與昌有隙遣弟漢宥都虞侯辛約屯兵西陵鏐率八都兵渡江竊敵軍號斫其營營中驚擾因焚之漢宥等皆走漢宥復逃將黃珪何肅屯諸暨蕭山鏐盡攻破之殺何肅辛約漢宏易服持膾刀以遁追者及之漢宏曰我宰夫耳舉刀示之乃免四年僖宗遣中使焦居璠為杭越通和使召昌及漢宏罷兵漢宏不奉詔遣將

朱褒韓公玫施堅實等以舟兵屯望海鏐出平水命  
成及夜率奇兵破褒等於曹娥埭進屯豐山施堅實  
等降遂破越州漢宏走台州台州刺史執漢宏送鏐  
斬之鏐乃奏昌代漢宏而自居杭州光啟三年拜鏐  
左衛大將軍杭州刺史昌越州觀察使是歲淮南高  
駢爲其下畢師鐸所囚淮南大亂六合鎮將徐約攻  
蘓州潤州牙將逐其帥周寶寶奔常州浩推度支推  
勘官薛朗爲帥鏐遣都將成及杜稜等攻常州取周  
寶以歸鏐具軍禮郊迎館寶于樟亭寶病卒

此與事  
紀云殺

寶者稜等進攻潤州逐劉浩執薛朗剖其心以祭寶  
不同此與事紀剖劉浩  
心祭寶者不同然後遣其弟鉢攻徐約約敗走入

海追及之昭宗拜鏐杭州防禦使是時楊行密孫儒  
爭淮南與鏐戰蘓常間久之儒爲行密所殺行密據  
淮南取潤州而鏐亦取蘓常唐升越州爲威勝軍以  
董昌爲節度使隴西郡王杭州爲武勝軍拜鏐都團  
練使以成及爲副乃以杜稜阮結顧全武等爲將校  
以沈崧皮光業林鼎羅隱爲賓客鏐率十三都兵洎  
役徒二十餘萬衆新築羅城自秦望山由夾城東亘

江干薄錢塘湖霍山范浦七十里景福二年琴鏐鎮  
海軍節度使潤州刺史乾寧元年加同中書門下平  
章事二年越州董昌反昌素愚妖人應智王媪巫薛  
媪等以妖言惑昌獻鳥獸爲符瑞迓福民間多圖其  
形禱祠之視王書名與圖類因出圖以示昌昌大悅  
乃自稱皇帝國號羅平改元順天分其軍爲兩軍中  
軍衣黃外軍衣白銘其衣曰歸我乃以書告鏐鏐以  
昌反狀聞昭宗下詔削昌官爵封鏐彭城郡王浙江  
東道招討使鏐曰董氏與吾有恩不可遽伐乃以兵

三萬屯迎恩門遣其客沈滂諭昌使改過昌愚不能  
決以錢二百萬遣使犒軍執應智等送軍中自請代  
罪鏐還兵尋復拒命遣其將陳郁崔溫等屯香巖石  
候乞兵於楊行密遣兵爲援鏐遣顧全武攻昌斬崔  
溫昌所用諸將皆不知兵遇全武輒敗昌兄子真有  
勇略全武等攻之逾年不能克真與裨將刺羽有隙  
羽譖之昌殺真兵乃敗全武執昌歸杭州行至西小  
江昌曰吾與錢公俱起鄉里吾嘗爲大將今何面目  
復見之乎左右相對泣下因瞋目大呼投水死昭宗

乃改威勝軍爲鎮東軍拜鏐鎮海鎮東軍節度使加  
檢校太尉中書令賜錢券恕九死鏐如越州受命還  
治錢塘號越州爲東府光化元年移鎮海軍于杭州  
加鏐檢校太師改鏐鄉里曰廣義鄉勲貴里鏐素所  
居營曰衣錦營昭宗詔圖鏐形凌烟閣升衣錦營爲  
衣錦城石鑑山曰衣錦山大官山曰功臣山鏐游衣  
錦城宴故老山林皆覆以錦號其幼時所戲大木曰  
衣錦將軍天復二年封鏐越王鏐巡衣錦城右都指  
揮使徐綰與左都指揮使許再思叛焚掠城郭攻內

城鏐子傳瑛及其將馬綽陳爲等閉門拒之鏐歸微  
服踰城而入遣馬綽王榮杜建徽等分屯諸門使顧  
全武備兵東府全武曰東府不足慮可慮者淮南耳  
綰急必召淮兵淮兵至患不細矣楊公大丈夫今以  
難告必能閔我鏐以爲然全武曰獨行事必不濟請  
擇諸公子可行者鏐曰吾嘗欲以元璩壻楊氏乃使  
隨全武如廣陵綰果召田頵于宣州全武等至廣陵  
行密以女妻元璩聞綰召頵乃急召頵還頵取鏐錢  
百萬質鏐子元瓘而歸天祐元年封鏐吳王鏐建功

臣堂立碑紀功列賓佐將校名氏於陰者五百人四年陞錦衣城爲安國衣錦軍梁太祖卽位封鏐吳越王兼淮南節度使梁主嘗問吳越進奏吏曰錢鏐平生有所好乎吏曰好玉帶名馬梁主曰真英雄也以玉帶一匣打毬御馬十匹賜之開平二年加鏐守中書令改臨安縣爲安國縣廣義鄉爲衣錦鄉三年加守太保楊渥將周本陳章圍蘄州鏐遣弟鋸鏢救之淮兵爲水柵環城以銅鈴繫網沈水中斷潛行者水軍卒司馬福多智而善水行乃先以巨竹觸繫網淮

人聞鈴聲遂舉網福乃入城中其出也亦然乃取其軍內外夾攻號令相應淮人以爲神遂大敗之本等走擒其將閻丘直何明等四年鏐遊衣錦軍作還鄉歌曰三節還鄉掛錦衣父老遠來明追隨斗牛無市人無欺吳越一王駟馬歸乾化元年加鏐守尙書令兼淮南宣潤等道四面行營都統立生祠于衣錦營二年梁郢王友珪立冊尊鏐尙父末帝貞明三年加鏐天下兵馬都元帥開府置官屬四年楊隆演取虔州始由海道入貢京師龍德元年賜鏐詔書不名唐



莊宗入洛鏐遣使貢獻乃賜鏐玉冊金印鏐因以鎮  
海等軍節度使授其元瓘自稱吳越國王起玉冊金  
券詔書三樓于衣錦軍遣使冊新羅渤海王海中諸  
國皆封拜其君長明宗卽位安重誨用事鏐致書詞  
嫚重誨是時供奉官烏昭遇韓玫使吳越旣還玫誣  
昭遇稱臣舞蹈重誨乃奏削鏐王爵元帥尙父以太  
師致仕元瓘等遣人以絹表間道自陳重誨死乃復  
鏐官爵王素節儉寢帳敝恭穆夫人欲易以青繒不  
許少在軍中夜未嘗寐倦極則就圓木小枕或枕大

鈴寐輒欬而卧名曰警枕又時彈銅丸於樓墻外以  
警直更其勤如此暇則命子孫賦詩或製詩賜丞相  
將吏間學書畫不廢正務每春秋享祀先王嗚咽流  
涕董昌叛嘗遺書曰與其閉門作天子何如開門作  
節度使終符其言長興三年鏐卒年八十一謚武肅  
子元瓘立

元瓘字明寶鏐仲子少爲質於田頔頔叛於吳楊行密  
會越兵攻之頔每戰敗歸卽欲殺元瓘頔母常蔽護  
之後頔將出語左右曰今日不勝必斬錢郎是日頔

戰死元瓘得歸屬鏐病召諸將告之曰吾子皆愚懦不足任後事吾死公等自擇之諸將泣下皆曰元瓘從王征伐最有功諸子莫及請立之鏐乃盡出管鑰召元瓘語之曰諸將許爾矣宜善守之又曰子孫善事中國勿以易姓廢事大之禮鏐卒遂襲封吳越國王玉冊金印皆如鏐故事嘗遣將攻王延政于建州元瓘亦善撫將士好儒學善爲詩使其國相沈崧置擇能院選吳中文士錄用之然性奢侈好治宮室天福六年杭州火燒其宮室殆盡元瓘大懼因病卒年五十五謚文穆子弘佐立

弘佐字祐玄立時年十三諸將皆少弘佐弘佐初優容之諸將少不法弘佐乃黜其大將章德安於明州李文慶於睦州殺內都監杜昭達統軍使闕璠由是國中皆畏恐王延義延政兄弟相攻卓儀明朱文進李仁達等自相篡殺連兵不解者數年仁達附于李景已而又叛景兵攻之仁達求救于弘佐召諸將計事諸將皆不欲行弘佐奮然曰吾爲元帥而不能舉兵耶諸將皆吾家素蓄養獨不肯以身先我乎有異議

者斬乃遣其統軍使張筠趙承泰等率兵二萬水陸  
赴之遣將誓軍號令齊整筠等大敗景兵俘馘萬計  
獲其部將楊臺蔡遇等遂取福州而歸由是諸將皆  
服弘佐立七年襲封吳越國王玉冊金印皆如元瓘  
開運二年弘佐卒年二十謚忠獻弟弘侗以次立  
弘侗字慶道起家內衙指揮使檢校司空出爲東府安  
撫使累授檢校太尉尋拜丞相開運四年夏六月卽  
位于天冊堂是月晉王入大梁改號曰漢秋七月閩  
帥李儒贇來歸弘侗命復任無諸親餞于碧波亭秋

八月葬弘佐於西原冬十二月儒贇復貳于我弘侗  
命東南面安撫使鮑修讓等攻討擒而戮之己酉傳  
首國城庚戌內衙統軍使胡進思指揮使諸溫計洎  
等以內衙兵遷弘侗於義和後院諸將校迎弘俶卽  
位焉自弘佐時諸將校驕慢雖旋加誅殛而在位者  
皆優饒遇之及弘侗續嗣性旣嚴急誅杭越侮法吏  
三人而統軍使胡進思恃迎立功干預政事侗惡之  
每僭越必顯責讓進思頗憂懼不自安屬內衙指揮  
使何承訓希旨請誅之又謀於都監使水丘昭券昭

券以進思黨盛難制且容之弘侖猶豫未決承訓懼  
反以謀告進思進思遂亂率親兵戎服入見弘侖叱  
之不退猝愕入義和院進思鎖其門矯稱弘侖命告  
中外曰王粹得風疾傳位於弟因率諸將迎弘侖於  
私第且言於丞相元德昭德昭至立於簾下不拜曰  
俟見新主進思等急出褰簾德昭乃拜進思稱弘侖  
命承制授弘侖曰若全吾兄乃敢承命不然當  
避賢路進思承之弘侖始視事後弘侖遷居于越年  
四十四卒謚忠遜弟弘侖立

弘侖字文德當晉開運中爲台州刺史有僧德韶語弘  
侖曰此地非君爲治之所當速歸不然不利弘侖從  
其言卽求歸國未幾進思廢弘侖迎弘侖立之弘侖  
歷漢周襲封吳越國王賜玉冊金印世宗征淮南令  
弘侖以所部分路進討弘侖遣偏將吳程圍毗陵陷  
關城擒刺史趙仁澤路彥銖圍宣城會李景上表求  
割地內附詔弘侖班師顯德五年杭州災府舍悉燼  
將延及倉庾弘侖命酒祝曰食爲民天若盡焚之民  
命安仰火遂止世宗聞之遣使卹問是歲淮南內屬

遣翰林學士陶穀司天監趙修已使弘俶賜羊馬橐  
駝自是以爲常七月又遣閣門使曹彬賜兵馬旗幟  
宋建隆元年授天下兵馬大元帥弘俶舅寧國軍節  
度使吳延福有異圖左右勸弘俶誅之弘俶曰先大  
人同氣安忍寘于法言訖嗚咽流涕但黜之于外終  
全母族自宋太祖受命弘俶貢奉有加常數乾德元  
年遣其子惟濬入貢改賜功臣號開寶五年遣幕吏  
黃夷簡入貢上謂之曰汝歸語元帥常訓練兵甲江  
南強倔不朝我將討之當助我母惑人言特命有司

造大第於薰風門外偉甚因召進奉使錢文贊語之  
曰朕數年前令陶穀草詔比來城南建離宮名禮賢  
宅待李煜及汝主先來朝者賜之詔以草示文贊令  
諭旨於弘俶七年討江南遣內客省使丁德裕齎詔  
以弘俶爲昇州東面招撫制置使賜戰馬旌旗劍甲  
令德裕以禁兵步騎千人爲弘俶前鋒盡護其軍李  
煜貽書於弘俶曰今日無我明日豈有君一旦明天  
子易地酬勲王亦大梁一布衣耳弘俶不答以書來  
上八年弘俶率兵拔常州加守太師詔弘俶歸朝弘

倣遣大將沈承禮等卒兵水陸從王師平潤州遂進討金陵上嘗召進奏使任知果令諭旨於弘倣曰元帥克毘陵有大功候平江南可暫來與朕相見以慰延想之意不久留也朕三執圭幣以見上帝豈食言乎江南平論功加弘倣守太師拜弘倣大將沈承禮孫承祐竝爲節度使九年弘倣與其妻孫氏子惟濬平江軍節度使孫承祐入朝上遣皇子德昭至睢陽迎勞弘倣將至車駕先幸禮賢宅按視供帳之具及至詔弘倣居之對於崇德殿貢賜俱厚詔特賜劍履

上殿書詔不名令惟濬齋詔賜弘倣妻孫氏爲吳越國王妃宰相以爲異姓諸侯王妻無封妃之典太祖曰行自我朝表異數也弘倣獻謝太祖數詔弘倣與其子惟濬宴苑中惟諸王預坐每宣諭弘倣弘倣拜謝多令內侍掖起弘倣感泣又嘗一日召宴獨太宗秦王侍坐酒酣太祖令弘倣與太宗秦王叙昆弟禮弘倣伏地叩頭涕泣固讓乃止車駕幸西京雩祀弘倣懇請扈從不許留惟濬侍祠令弘倣歸國太祖宴餞於講武殿謂弘倣曰南北風土異宜且漸及大暑

卿可早發弘俶涕泣言願三歲一朝太祖曰川途迂  
遠當俟詔旨卽來覲也弘俶將發京師特賜導從儀  
衛自禮賢宅陳列至迎春苑自初至逮歸所賜金帛  
他物不可勝計弘俶旣歸嘗視事功臣堂一日命坐  
於東偏曰西北神京在焉天威不遠顏咫尺弘俶敢  
寧居乎太宗卽位加食邑五千戶弘俶貢極盛又請  
歲增常貢詔不許太平興國二年孫氏卒遣使弔祭  
上言乞賜詔書呼名不許三年入朝遣使至泗州迎  
勞惟濬先在闕下上遣至睢陽候弘俶弘俶先遣孫

承祐入奏事上卽遣護諸司供帳勞弘俶於郊又命  
齊王廷美宴弘俶於迎春苑弘俶至對於崇德殿賜  
衣帶金玉銀帛鞍馬錢物賔佐以下有差卽日宴長  
春殿命劉鋹李煜預坐弘俶貢獻有加上又嘗詔弘  
俶及子惟濬宴後苑泛舟池中上手酌酒以賜弘俶  
弘俶跪飲之其恩遇如此會陳洪進納土弘俶上言  
乞罷所封吳越國王及天下兵馬大元帥職名凡頒  
詔命願復呼名優詔不許復再表願以所管十三州  
獻於闕下詔受之命以淮南節度管內封弘俶爲淮

海國王仍改賜寧淮鎮海崇文耀武宣德守道功臣  
卽以禮賢宅賜之惟濬爲節度使兼侍中惟治爲節  
度使惟演爲團練使惟願暨姪郁昱竝爲刺史弟儀  
信竝爲觀察使將校孫承祐沈承禮竝爲節度使禮  
貌隆盛冠絕一時仍令兩浙發弘俶總以上親及管  
內官吏悉歸朝凡舟一千四十四艘所過以兵護送  
四年宴苑中弘俶被病拜不能起上命以銀裝肩輿  
送歸因以賜之後從征太原賜羊三百酒十斛弘俶  
小心謹恪每晨趨行闕人未有至者弘俶必先至假

寐待旦上知之謂曰卿已中年宜避風露自今入謁  
不須太早也特撤御前二大燭賜之令先赴前頓四  
年劉繼元降上御連城臺誅軍中先亡命太原者顧  
謂弘俶曰卿能保全一方以歸於我不致血刃彌可  
嘉也弘俶頓首謝還京策勲宰相進擬加食邑萬戶  
實封千戶上卽改白麻倍加食邑二萬戶實封二千  
戶連歲賞賜無算八月請罷元帥國王尙書中書太  
師開府諸職各不許表三上詔惟罷天下兵馬大元  
帥餘如故雍熙元年改封漢南國王四年出爲武勝



軍節度使改封南陽國王將發賜玉帶金唾壺碗盞等弘俶四上表讓國王封封許王端拱二年春徙封鄧王會朝廷遣使賜生辰器幣與使者宴飲至暮有大流星墮正寢前光燭一庭是夕卒年六十俶以天咸四年八月二十四日生至是八月二十四日卒復與元瓘卒日同人皆異之上爲廢朝七日追封秦國王謚忠懿仍正衙備禮發冊命中使護喪歸葬洛陽自鏐至俶世有吳越之地僅百年管內諸將皆子弟將校授任而後請命於朝有至使相者弘俶任太師

尚書令兼中書令四十年爲元帥三十五年及歸朝卒子惟演惟濟皆童年召見慰勞竝起家諸衛將軍善始令終窮極富貴福履之盛近代無比惟演仕終太師英國公追贈思王謚文僖演子暄封吳國公暄子景臻尚宋仁宗女秦魯國大長公主官至上柱國駙馬都尉封會稽郡王南渡扈蹕賜第台州臨海有四子忱愷愕忱愕皆主出忱封榮國公高宗朝賜御書忠孝之家忱子端仁分子常熟端義分子龍泉端禮官龍圖閣學士封祁國公女爲孝宗長子鄧王

妃孫象祖歷官左丞相封魏國公世居台第後五世  
孫應孫分于會稽愕封越國公愕子端英提舉淮南  
英孫述祖亦家于越述祖子洗復尙宋太祖孫太師  
越國公女洗子可壽爲宋省元子孫連姻帝胄歷官  
顯要椒耶繁衍支分派別不可殫述

